


ՆՅՈՒԹԵՐ ՀԱՅԱՍՏԱՆԻ ՎԱՂ ՄԻՋՆԱԴԱՐՑԱՆ
ՀԱՐՏԱՐԱՊԵՏՈՒԹՅԱՆ ՊԱՏՄՈՒԹՅԱՆ

ՊԱՏՄԱԿԱՆ ՍՅՈՒՆԻՔԻ ՎԱՂ ՄԻՋՆԱԴԱՐՑԱՆ ՄԻԱՆԱՎ ՀՈՒՇԱՐՁԱՆՆԵՐԸ

ԱՆՈՒՇ ՏՆՐ-ՄԻՆԱՍՅԱՆ

Պատմական Սյունիքի տարածքում, այժմյան Սիսիանի և Գորիսի շրջաններում, պահպանվել են վաղ միջնադարյան մի շարք հուշարձաններ, որոնց թվին են պատկանում նաև վեց միանավ եկեղեցի: Սրանց մեծ մասը մինչև այժմ չի մտել մասնագիտական դրականության մեջ, Այդ վեց հուշարձանները ներկայացնում են Հայաստանի վաղ միջնադարյան միանավ եկեղեցիների ոչ միայն երկու տիպերը՝ արտաքին պատերի ուղղանկյուն պարագծի մեջ ներգծված և




Տախտակ. Պատմական Սյունիքի միանավ հուշարձանների հատակագծերը:
Գծ. 1. Սպանդարյան, գծ. 2. Աղուդի, գծ. 3. Տեգ, Սոնեղցի, գծ. 4. Տեղ, ս. Գևորգ, գծ. 5. Թա-
նահատ, գծ. 6. Վերիչեն, ս. Հովհաննիսյան:

դուրս եկող արսիղով, այլև առաջին տիպի երկու ենթատիպերը՝ առանց լրացուցիչ կառուցվածքների և լրացուցիչ կառուցվածքներով:

Այդ հուշարձաններից Սիսիանի շրջանի Սպանդարյան դյուղի միանավ եկեղեցին (տախտակ. դժ. 1) պատկահույժ է արտաքին պատերի ուղղանկյուն պարագծի մեջ ներգծված արսիղով միանավ հուշարձանների առաջին՝ առանց լրացուցիչ կառուցվածքների ենթատիպին: Եկեղեցին գտնվում է գյուղի հարավային մասում, Որոտան գետի խոր կիրճում: Այն երկաստիճան որմնախարիսխի վրա կանգնած ուղղանկյուն սրահ է, որի արևելյան կողմում գտնվում է պայտաձև արսիղը: Որմնախարիսխը հողով է ծածկված: Հին պատերը պահպանվել են մոտ 2,5 մ բարձրությամբ, իսկ դրանց վերին մասը շարված է XX դարում, անկանոն շարվածքով: Հուշարձանի ներքին յափերն են 3,2×8,5 մ: Սկզբնական կառուցից պահպանվել են մուտքերի երեք բացվածքները՝ արևմտյան, հյուսիսային և հարավային ճակատների վրա: Այդ մուտքերից երկուսը՝ հյուսիսայինը և հարավայինը, այժմ շարվածքով փակված են: Շինանյութը, որից կառուցված է եկեղեցու պահպանված մասը, տաշված մոխրագույն բազալտ է՝ կրաշաղախով շարված: Պատերի լայնությունը 1,04 մ է: Սրանից կարելի է ենթադրել, որ սկզբնական հուշարձանը ծածկված է եղել քարե թաղով: Արևմտյան մուտքի բարավորը (ըստ երևույթին, մյուս երկու մուտքերինն էլ) կազմված է երկայնական ուղղությամբ միացված երկու մեծ քարերից: Այդպիսի լուծում ունեն վաղ միջնադարյան շատ հուշարձանների բարավորներ:

Եկեղեցու դեկորատիվ հարդարանքը, որի մասին մենք կարող ենք դատել հյուսիսային և արևմտյան մուտքերի բարավորների վրա պահպանված զարդաքանդակներով, նույնպես շատ բնորոշ է այդ դարաշրջանի նույնատիպ հուշարձաններին: Հյուսիսային մուտքի բարավորը զարդարված է շրջանագծի մեջ ներգծված հավասարաթև երկու խաչերով, իսկ արևմտյան մուտքի բարավորի վրա գտնվում են նույնպիսի շրջանագծի մեջ ներգծված հավասարաթև խաչ և նրա երկու կողմերում՝ վեցթևյա վարդյակներ: Բարավորի ձախ ծայրին գտնվող խաչը և՛ իր ձևով, և՛ կատարման եղանակով թվում է ավելի ուշ ժամանակի գործ:

Միանավ հուշարձանների նույն ենթատիպին են պատկանում նաև Սիսիանի շրջանի Աղուղի դյուղի և Գորիսի շրջանի Տեղ դյուղի երկու եկեղեցիները («Սոնեղցի» և սբ. Գեորգ): Աղուղիի



Նկ. 1. Թանահատ: Արսիղի իմպոստները և կամարը:

եկեղեցին (տախտակ. դժ. 2), ավելի ճիշտ նրա պահպանված արևելյան մասը, գտնվում է գյուղի (որն իր հին՝ Ազիաու, անվան տակ հիշատակվում է Սա. Օրբելյանի Մղուկ գավառի գյուղերի

ցուցակում¹) կենտրոնում, VI—VII դարերի հանրահայտ մեմորիալ հուշարձանի հյուսիս-արևելյան անկյան մոտ: Ինչպես դրում է Ն. Լալայանը, «...դյուզի զրեթե կենտրոնում գտնվում է մի եկեղեցու ավերակ, որի միայն սեղանի կամարն է... կանգուն մնացել»²: Որ Ն. Լալայանը նկատի է ունեցել հենց այս կառուցվածքը, ապացուցվում է նրանով, որ հեղինակը նկարագրում է եկեղեցու մոտ պահպանված մեմորիալ հուշարձանը՝ սխալմամբ համարելով այն վերահիշյալ եկեղեցու զանգակատունը:

Եկեղեցուց պահպանվել է միայն կիսաշրջանաձև արսիղը, որի լայնությունը 3,21 մ է, և հյուսիսային պատի մի հատված՝ 4,3 մ երկարությամբ: Եկեղեցին կառուցված է կիսամշակ և անմշակ բազալտե քարերից՝ կրաշաղախով: Այսպիսի շինարարական տեխնիկայով կառուցված հուշարձաններ քիչ են պատահում վաղ միջնադարյան եկեղեցիների թվում (Լուսակերտ, Վերին): Պատերի լայնությունը 1,1 մ-ից 1,3 մ է: Եթե մտովի շարունակենք եկեղեցու քանդված հարավային պատը, ապա նա կհասնի մեմորիալ հուշարձանի հետ: Հիմա դժվար է ստույգ ասել՝ մեմորիալ հուշարձանն է կառուցվել արդեն կիսաքանդ եկեղեցու պատին կից, թե՛, ընդհակառակը, եկեղեցին է կցվել հուշարձանին, բայց, բոլոր դեպքերում, այդպիսի մեմորիալ համալիրը (եկեղեցի, հուշարձան-կոթող և դամբարան, որն այս դեպքում չունի իր սովորական ճարտարապետական կերպարը)³ բնորոշ է վաղ միջնադարյան հայ ճարտարապետությանը (Ամարասի վանքի ս. Գրիգորիոսի դամբարանը, Աղցի, Զբվեթի մեմորիալ համալիրները և այլն)⁴:

Ձևերի պարզությունը, պատերի զգալի հաստությունը, որտեղ զլխավոր կրող տարրը քարն է, և եկեղեցու դիրքը մեմորիալ հուշարձանի նկատմամբ թույլ են տալիս այն թվագրել վաղ միջնադարով՝ VI—VII դդ.:

Տեղ գյուղից մոտավորապես 6 կմ դեպի արևելք է գտնվում «Սոնեղցի» (այսինքն՝ սարալանջի վրա գտնվող եկեղեցի) կոչվող եկեղեցին (տախտակ. գծ. 3): Այն բավական լավ է պահպանված. քանդված է միայն տանիքը: Հուշարձանը ներկայացնում է ոչ մեծ, համարյա քառակուսի կառուցվածք՝ 3,36×3,55 մ ներքին չափերով, որի արևելյան կողմում գտնվում է կիսաշրջանաձև արսիղը: Մուտքը արևմտյան կողմում է (բացվածքի լայնությունն է 1,15 մ), երկու պատուհանները՝ արևելյան և արևմտյան կողմերում: Հուշարձանի սրահի ոչ կանոնավոր ձևի քարերով սալարկված հատակը ցածր է արսիղի հատակից 0,5 մ-ով: Հետաքրքիր է լուծված հուշարձանի ինտերյերը. արսիղի կամարի պարզ և ունեցող իմպոստը շարունակվում է 2,25 մ բարձրության վրա՝ գոտեորում է բլուր պատերը՝ բացի արևմտյանից: Առաջանում է քիվ-գոտի, որի վրա է հենվում հուշարձանը ծածկող քարե թաղը: Մեծ չափերի քարերից կառուցված այդ թաղը մեշտեղում ունի նեղ կար: Յուրահատուկ է նաև գմբեթաղը. արսիղի կամարի մեշտեղից գոյս է զալիս սեպածև քար, նրան կցվում է ձվաձև քար, որից արդեն հովհարաձև տարածվում են գմբեթաղը կազմող քարերի շարքերը: Մուտքի բարավորը ոչ միայն բնորոշ է վաղ միջնադարյան հուշարձաններին (կազմված է երկու երկայնական ուղղությամբ կրաշաղախով միացված քարերից), այլ նաև տարբերվում է նույնատիպ բարավորներից նրանով, որ քարերը նույն լայնությունը չունեն. ներսի կողմի քարը շատ ավելի լայն է (0,63 մ), քան դրսինը (0,25 մ): Ընդ որում՝ դրսի կողմից բարավորը ուղղանկյուն է, ներսի կողմից՝ Մ-աձև, անկյունային ելուստները ուղղված են դեպի վեր, որի վրա էլ հենվում է 0,7 մ խորություն ունեցող, բեռնաթափման խորշ առաջացնող կամարը: Հուշարձանի պատերի լայնությունը 1 մ է, շինարարական նյութը տեղական սպիտակ, բազալտ հիշեցնող սրբատաշ քարն է՝ կրաշաղախով շարված: Քարերի չափերը բավական մեծ են (միջին չափերը՝ 1,0×2,0 մ):

Ինչ վերաբերում է ղեկորատիվ հարդարանքին, ապա հուշարձանը շատ խիստ է լուծված. պատերը հարթ են, հյուսիսային և հարավային ճակատները՝ խուլ, իսկ արևելյան և արևմտյանը՝ զարդարված են միայն շատ պարզ, նեղ պատուհաններով և պատի հարթությունից հագիվ դուրս եկող պսակներով: Մուտքի բարավորը զարդարված է խաչով: Խաչի կան նաև ուրիշ քարերի

¹ Ստեփանյան Կ. Ս. Սիւնեաց Պատմութիւն տաճն Սիսական, Մոսկվա, 1861, էջ 372:

² Ազգագրական հանգես, գիրք Գ., № 1, 1898, էջ 193:

³ Ս. Ս. Մնացականյանի կարծիքով, այս դեպքում դամբարանը ոչ թե որպես թաղման տեղ է, այլ սիմվոլիկ կենտոսֆ՝ կառուցված զոհված հերոսների պատվին (Հայկական վաղ միջնադարյան մեմորիալ հուշարձաններ, Երևան, 1982, էջ 130): Բոլոր դեպքերում, դա չի հակասում մեր ասածին:

⁴ Մ. Հասրաթյան, Ամարասի ճարտարապետական համալիրը (ՀՍՍՀ ԳԱ «Լրաբեր», 1975, № 5, էջ 35—53):

վրա, բայց դրանք, հավանաբար, ավելի ուշ են արված: Երկու հորիզոնական գոտիները՝ հուշարձանի քիվը և երկաստիճան որմնախարիսիւրը, շեշտում են պատերի հարթ ուղղաձգությունը:

Սբ. Գեորգ եկեղեցի (տախտակ. գծ. 4) գտնվում է Տեղ գյուղի կենտրոնում: Ե. լայնանը՝ զրում է այո եկեղեցու ձևափոխման մասին և բերում նոր կառուցված մասում գտնվող դռա՝ ձախ կողմում և դռան «կամարակալ քարի վրա» գտնվող արձանագրությունները⁵, որոնցից վերջինը վերաբերում է եկեղեցու վերանորոգմանը՝ ՌՃՁԶ (1737) թվականին: Այս եկեղեցու արձանագրություններին անդրադարձել է նաև Ս. Գ. Բարխուդարյանը⁶:

Չնայած եկեղեցին իր ողջ հորինվածքով և մանրամասներով շատ բնորոշ է վաղ միջնադարյան ժամանակաշրջանի համար, սակայն ուշ շրջանի արձանագրությունների առկայության հետևանքով, որոնցից հնագույնը պատկանում է 1451, իսկ նորագույնը՝ 1827 թ., այն սխալմամբ թվագրվել է XIV—XV դարերով⁷:

Ժամանակի ընթացքում հուշարձանը շատ փոփոխություններ է կրել: Մեր կարծիքով այն կառուցողական երեք փուլ է ունեցել, առաջինը սկզբնական կառույցի շինարարությունն է վաղ միջնադարում, որից պահպանվել են պայտածե արսիղը և 6,4 մ երկարություն ունեցող հյուսիսային և հարավային պատերի հատվածները: Հուշարձանի լայնությունը 4,22 մ է: Արսիղը պայտածե է: Պայտածե է նաև արսիղի կամարը, որը հենվում է պարզ խոյակներով իմպոստների վրա: Հուշարձանի պահպանված մասում կան երկու զույգ որմնամույթեր՝ չհաշված այն երկուսը, որոնք կից են արսիղին: Որմնամույթերի առաջին զույգից սկսած, զեպի արեւելք, եկեղեցու հատակը 0,15 մ բարձրանում է: Արսիղի կամարի իմպոստների հետ համեմատն խոյակներ և խարիսխներ ունեցող որմնամույթերը սկզբնական շինության ժամանակակիցներն են, իսկ մնացածը, որ ավելի բարձր է կառուցված, անշուշտ, հուշարձանի պատկանության II փուլի վերանորոգման արդյունք են: Որմնամույթերը հուշարձանի լայնությամբ կամարներով շին միանում, այսպիսով՝ թաղակիր կամարներ չկան, բայց հյուսիսային և հարավային պատերի ուղղությամբ երկկենտրոն կամարներ են ձգվում ու հենվում որմնամույթների խոյակների վրա: Այդպիսի ձևը դրանց ավելի ուշ ծագման վկայությունն է: Այդ կամարներից ամեն մեկը զույգ է կազմում մեկը մի փոքր խորն է, մյուսը դուրս է գալիս և ներգծվում ուղիղ պատի մեջ, որի վրա էլ նշատում է հուշարձանի թաղակապ ծածկը:

Հուշարձանի հին մասի հարավային կողմում պահպանվել է եկեղեցու նախնական մուտքը (լայնությունը 1,05 մ է), որն այժմ շարվածքով փակված է: Մուտքի երկու կողմերում, դռից, պահպանվել են երկու պահուսնակ: Այդ նույն հարավային կողմի վրա բացված են բավական մեծ լսիկներ (ներսից դրանց լայնությունը 0,93 մ է), զեպի դուրս նեղացող, երկու լուսամուտ: Ավելի փոքր լսիկների մի լուսամուտ կա արսիղում: Հարավային կողմի լուսամուտները, անշուշտ, ավելի ուշ են բացված, քանի որ դրանցից արեւմտյանը իր ներքեի անկյունով հատում է պատի վրա՝ հարդաքանդակը՝ 16-թերթյա ծաղիկով վարդակը, որը քանդակված է սկզբնական մուտքի քարավորի վրա: Կասկած չի հարուցում նաև այն, որ լուսամուտները շենքի հիմնական վերանորոգումից ավելի շուտ են բացված, քանի որ ներսում առաջին որմնամույթից զեպի երկրորդը ձգվող երկկենտրոն կամարը փակում է լուսամուտի վերեւի մասը: Հավանաբար, լուսամուտները բացվել են շենքի շինարարությունից մի փոքր անց, վաղ միջնադարում: Այդ մասին են խոսում նաև դրանց մեծ լսիկները:

Հուշարձանի հիմնական վերանորոգման ժամանակաշրջանին է վերաբերվում և նրա 6,85 մ երկարություն ունեցող արեւմտյան մասը: Շենքի հին և նոր մասերի կցման հանգույցները բավական անփույթ են արված: Հյուսիսային կողմում նոր որմնամույթը կցված է հինն, ունի աստիճանական ձև, երկու խոյակ (ստեղծվում է երկու որմնամույթերի պատրանք) և շատ ավելի ցածր է հինից: Հարավային կողմում նոր որմնամույթ ընդհանրապես չկա, և հյուսիսային նոր որմնամույթից ձգվող թաղակիր կամարը հենվում է հարավային պատի միջից դուրս եկող փոքր ելուստի վրա: Մի թաղակիր կամար ևս, զեպի արեւմուտք, հենվում է նոր որմնամույթերի երկրորդ զույգի վրա: Նոր որմնամույթերը ունեն հենքի նման խոյակներ, բայց չունեն խարիսխներ և հենվում են անմիջականորեն հատակին: Արեւմտյան պատի վրա կա (այժմ շարվածքով փակված) լուսամուտ՝ նման հարավային բացվածքներին: Հարավային պատի մեջ, շենքի նոր մասում,

5. «Աղագրական հանդես», գիրք Դ, № 2, 1898, էջ 38:

6 Ս. Գ. Բարխուդարյան, Դիվան հայ վիճագրության, պրակ XI, Երևան, 1960, էջ 66—70:

7 Նույն տեղում:

կա եւ մի մուտք՝ 0,7 մ լայնությամբ, որը ձևավորված է ծանր, պատի հարթությունից դուրս եկող շքամուտքի ձևով:

Շենքի կառուցման պատմության երրորդ փուլում (XIX դ. վերջ—XX դ. սկիզբ) արված վերանորոգմանն է վերաբերում նոր մասի երկրորդ հարկի կառուցումը: Ընդ որում երկրորդ հարկը դուրս չի գալիս եկեղեցու ընդհանուր ծավալից, այլ տեղադրված է նույն բաժնության մեջ, այսինքն՝ շենքի նոր մասը, փաստորեն, բաժանված է երկու մասի: Երկրորդ հարկի մուտքը գտնվում է հուշարձանի հյուսիսային կողմի վրա, որտեղ հատուկ աստիճաններ են կառուցված: Երկրորդ հարկի մակարդակի վրա է գտնվում այժմ շարված լուսամուտը, որը բացվում է դեպի աղբարահ, Հավանաբար, հենց այդ ժամանակ եկեղեցու ներսի պատերը և թղջը սվաղվել են: Հուշարձանի շինանյութը տեղական սրբատաշ դեղնավուն ֆելզիտն է՝ կրաշաղխով շարված: Բարերը բավական մեծ չափերի են (միջին մեծության քարի երկարությունը 0,8 մ է): Պատերի հաստությունը 0,9 մ է:

Դեկորատիվ հարդարանքը միայն հուշարձանի հին, սկզբնական մասում է, որը շատ բնորոշ է վաղ միջնադարյան նույնատիպ կառուցվածքներին: Հուշարձանի ներքում՝ արսիդին կից, հյուսիսային որմնապան վրա, խարիսխից մի փոքր բարձր և հարավային կողմի երկրորդ որմնապան խոյակի վերևում, կան երկու վեցթերթյա ծաղիկներով վարդյակներ: Երեք համանշման վարդյակներ, բայց բավական մեծ չափերի (0,4—0,5 մ տրամագծով), գտնվում են եկեղեցու հարավային ճակատին՝ մուտքի բարավորի, նրա վերևի և կողքի քարերի վրա: Մուտքի բարավորը զարդաքանդակված է նաև մի մեծ, 16-թերթյա վարդյակով (տրամագիծը՝ 0,55 մ), որի մի մասը հետագայում կտրվել է լուսամուտ բացելու պատճառով: Հարավային պատի արևմտյան ծալրի ներքեց, շրորորդ շարքի քարի վրա, քանդակված է արևի ժամացույց, բայց դա, երևի, արված է շենքի հիմնական, ուշ միջնադարյան վերանորոգման ժամանակ: Հուշարձանի արևելյան ճակատի վրա տեղադրված են երկու վարդյակ. մեկը վեցթերթյա ծաղիկով՝ լուսամուտի մակարդակին, մյուսը՝ ութթերթյա ոճավորված աստղով՝ պատի ամենավերջին, զանդի-թափը հարող շարքի քարի վրա: Այդպիսի զարդաքանդակներ հանդիպում են նաև սրբական վաղ միջնադարյան հուշարձանների վրա (Դեհեսի եռանավ բազիլիկա և այլն)⁹, Հուշարձանը պահպանում է (ուղիղ և թեք սալերի ձևով) պարզ է և բնորոշ վաղ միջնադարյան հուշարձանների համար: Դեկորատիվ մանրամասները, շինարարական տեխնիկան, կամարների պայտածեությունը թույլ են տալիս հուշարձանի սկզբնական, հին մասը թվագրել V—VI դարերով:

Հաջորդ հուշարձանը, որը գտնվում է Սիսիանի շրջանի Արևիս գյուղից 3—4 կմ դեպի հարավ, լեռան լանջին, պատկանում է միանավ եկեղեցիների I տիպի երկրորդ՝ հիմնական ծավալին կից լրացուցիչ կառուցվածքներով հուշարձանների, ենթատիպին: Դա Թանահատն է (տախտակ. դժ. 5), որը ժամանակին եղել է Սյունիքի նշանավոր վանքերից: Այն գտնվել է պատմական Մուղի գավառում և հիշատակվում է Ստ. Օրբելյանի կազմած Սյունյաց նահանգի վանքերի ցուցակում՝ Տաթևից հետո, «մեծ առաքինարանն» անվան տակ¹⁰: Թանահատին Ստ. Օրբելյանը մի առանձին գլուխ է նվիրել՝ «Վասն Թանահատի վանաց և հօրն Մխիթարայն խորագրով, որտեղ նա գրում է. «400 ամօք յառաջ քան զհայ թուական շինեցա եկեղեցին յիշխանացն Սիւնեաց յանուն սրբոյ նախավկային Ստեփաննոսի»¹¹: Այս տեղեկությունը, ինչպես նաև վանքի դիրքը և նույնիսկ անվանումը հիմք են տալիս Ղեոնդ Ալիշանին ենթադրել, որ այն գոյություն է ունեցել դեռ հեթանոսական ժամանակներում և հանդիսացել է մեհյան, որը հետո «սրբալի ի պաշտօն Աստուծոյ, ճշմարտի՛ ի Ս. Լուսաւորչէ կամ յորդաց նորին...»¹²: Սակայն Ղ. Ալիշանը նաև կարծում է, թե, գուցե, գրիչը, արտագրելով Ստ. Օրբելյանի ձեռագիրը, սխալվել է՝ «ն» տառի փոխարեն (քանի որ դրանք իրար նման են գրվել) գրելով «ն», որը նշանակում է «400»¹²: Վերջին ենթադրությունն ավելի հավանական է:

Թանահատի վանքն ունի վաղ միջնադարի՝ նույնատիպ կառուցվածքների համար բնորոշ, բայց և յուրօրինակ ճարտարապետություն: Այն որմնախարիսխի վրա բարձրացող ուղղանկյուն սրահ է, որի արևելյան կողմում գտնվում է պայտածե արսիդը՝ 0,3 մ բարձրություն ունեցող

⁹ H. G. Butler, Early churches in Syria. Forth to seventh centuries, Princeton 1929.

¹⁰ «Ստեփանոս եպ. Սիւնեաց Պատմութիւն տանն Սիսական», էջ 248:

¹¹ Նույն տեղում, էջ 251:

¹² Ղ. Ալիշան, Սիսական, Վենետիկ, 1893, էջ 225:

¹³ Նույն տեղում, էջ 251:

բևեռի։ Մինչև այժմ Քանահատի հատակագիծը ներկայացվել է առանց որմնամույթների (դրանք հայտնաբերվել են 1975 թ. պեղումների ժամանակ. պեղումների ղեկավար և վերականգնման նախագծի հեղինակ՝ Հ. Գասպարյան)։ Ընդհարմար Վ-աձև որմնամույթները սրահը բաժանում են շորս մասի։ Աբսիդի և արևմտյան պատին կից որմնամույթները ուղղանկյուն են։ Դրանք շինարարական կապ չունեն պատերի հետ, որն էլ վկայում է դրանց՝ ուշ միջնադարում ավելացված լինելու մասին։ Դրա վկայությունն է նաև այն, որ հարավ-արևմտյան մասի երկու որմնամույթները մասամբ փակում են հուշարձանի մուտքերը։ Դա նշանակում է, որ հուշարձանը սկզբնապես ունեցել է փայտե ծածկ, որը հետագայում, որմնամույթների ավելացնելուց հետո, փոխարինվել է քարե թաղով։ Մուտքերը երկուսն են՝ արևմտյան և հարավային։ Հարավային մուտքի պահպանված բարավորը վաղ միջնադարի համար բնորոշ ձև ունի՝ երկու մեծ ուղղանկյուն քարե սալ՝ երկայնական ուղղությամբ միմյանց։ Դրանց մեջտեղով անցնում է նեղ քարերից կազմված մի կարի։ Հարավային կողմից սրահին կից է համարյա քառակուսի մեկ ավանդատուն, որն արևելյան մասում չունի արտի, բայց արևմտյան կողմում ունի $1,40 \times 1,81$ մ չափերով կամարակապ խորշ։ Կամարը պայտաձև է։ Ավանդատանը կից, շենքի հարավային կողմում գտնվել է արտաքին սրահը։ Այդ են վկայում պատի հատվածը, հինգ սյուների պահպանված խարիսխները և մեկ սյան բնի բեկորը։ Սյուները ունեն բավական յուրօրինակ ձև. խարիսխները կլոր են՝ դրված ողղանկյուն բարակ սալի վրա, իսկ սյան բունը բազմաճյուղ է (8 և 16 նիստ)։ Խոյակների վրա արված ակոսները թույլ են տալիս ենթադրել, որ դրանց մեջ է նստել արտաքին սրահի փայտե ծածկը կրող հեծանը։ Հեծանների հակառակ ծայրերը հենվել են դիմացի պատի վրա գտնվող պահուսնակներին, որոնցից տեղում պահպանվել է մեկը։

Հետաքրքիր է հուշարձանի ղեկավարող հարդարանքը։ Այն տարբերվում է այդ շրջանի նույնատիպ կառուցվածքներից հիմնականում մշակվածության ավելի բարձր աստիճանով և յուրօրինակությամբ։ Աբսիդի պայտաձև կամարը (նկ. 1) երիզված է ատամնավոր գոտիով, որը բնորոշ է ու միայն Հայաստանի վաղ միջնադարյան նույնատիպ հուշարձաններին, այլև՝ Սիրիայի և Փոքր Ասիայի ու զալիս է դեռ նախաքրիստոնեական ճարտարապետությունից։ Իմպոսաները, որոնց վրա հենվում է կամարը, զարդաքանդակված են՝ դեպի դահլիճ՝ նայող կողմերը զույգ ծաղիկներով, իսկ վերին սալը՝ բուսական-երկրաչափական մոտիվներ ունեցող զարդանախշով։ Զարդաքանդակված են նաև արտաքին սրահի սյուների խարիսխները։



Նկ. 2. Վերիշեն։ Ս. Հռիփսիմե եկեղեցին։



Նկ. 3. Վերիշեն։ Ս. Հռիփսիմե եկեղեցու հարավային մուտքի պահուսնակը։

Գործի շրջանի Վերիշեն գյուղի սբ. Հռիփսիմե եկեղեցին պատկանում է սրահավոր եկեղեցի-

ցիների երկրորդ տիպին՝ արեւելյան պատի ծավալից դուրս եկող արտիդներով հուշարձաններին¹³, Սր. Հոփսիմն եկեղեցին (նկ. 2) հետաքրքիր է նրանով, որ պատկանում է այն սակավաթիվ հուշարձանների թվին, որոնց արտիդը դրսից կիսաշրջանաձև է (տախտակ, դժ. 6) և ոչ թե բազմանիստ՝ ինչպես այդ տիպի հուշարձանների մեծ մասը, Դրսից կիսաշրջանաձև արտիդ ունեն նաև Ցուլակերաի, Լուսակերտի, Բատիկյանի վաղ միջնադարյան սրահավոր եկեղեցիները¹⁴, Հուշարձանի ներքին չափերն են՝ 20,9×4,5 մ: Հինգ զույգ որմնամույթներով ներքին տարածությունը բաժանվում է 6 մասի: Որմնամույթները այնքան լայն են, որ դրանց միջև եղած տարածությունները խորշերի տպավորություն են թողնում: Այդ «խորշերը» ավարտվում են ղեղնավուն, ծակոտկեն քարերից շարված երկկենտրոն կամարներով, մինչդեռ ողջ հուշարձանը կառուցված է տեղական անմշակ, մոխրագույն բազալտից՝ կրաշաղախով: Հուշարձանի մուտքերը երկուսն են՝ արևմուտքից և հարավից: Արևմտյան մուտքը, հավանաբար, ավելի ուշ վերանորոգման հետևանքով ստացել է երկկենտրոն վերջավորություն: Բարավոր է ծառայում երկայնական կողմի վրա դրված խաչքարի: Հարավային մուտքը երկված է անկյունը կտրված բառանկյուն քարե երեսկալով: Այդ մուտքից դեպի արևելք կա այժմ պատուհանի տեսք տրված մի բացվածք, որը, հավանաբար, նախկինում մուտք է եղել: Այդ են վկայում պատուհանի համար անսովոր մեծ չափերը (0,84×1,45 մ) և բացվածքից դեպի արևմուտք, պատի շարվածքի մեջ դրված պահուսակը (նկ. 3), որի վրա քանդակված է վաղ միջնադարի համար շատ բնորոշ վեցթերթյա ծաղիկով վարդյակ: Այդ պահուսակը, անշուշտ, ունեցել է իրեն սիմետրիկ դրվածք և ծառայել է մուտքը ձևավորող կամարը կրելու համար: Մյուս պատուհանների բացվածքները, որոնք խաչաձև են, ավելի ուշ արված վերակառուցումների արդյունք են թվում: Ներսից պատերի վրա պահպանվել են սվաղի հետքեր: Այն, որ հուշարձանը կառուցված է անմշակ քարերից, չի բացառում նրա՝ վաղ միջնադարյան նույնատիպ շինությունների (հիմնականում՝ սրբատաշ քարերից կառուցված) շարքին պատկանելու փաստը, քանի որ, ինչպես վերը ասվեց, շինարարական այդպիսի տեխնիկայով կառուցված հուշարձանները օտար չեն Հայաստանի վաղ միջնադարյան ճարտարապետությանը: Կարելի է նույնիսկ ենթադրել, որ դրանք կառուցվել են ավելի վաղ, որովհետև անմշակ կան կապ ունեն նախաքրիստոնեական Հայաստանի հուշարձանների շինարարական տեխնիկայի հետ¹⁵:

Այսպիսով, պատմական Սյունիքի տարածքի վրա գտնվող այս վեց հուշարձանները, որոնք միավորված են ժամանակաշրջանի և տիպի համար բնորոշ բազմաթիվ հատկանիշներով, իրարից նախադրերով են յուրահատուկ մանրամասներով՝ ինչպես հատակադժածավալի կոմպոզիցիաներում, այնպես էլ դեկորատիվ հարդարանքում և նույնիսկ՝ շինարարական տեխնիկայում: Դրանք վկայում են այն մասին, որ պատմական Սյունիքի ճարտարապետությանը վաղ միջնադարում խորթ չէին նաև միանավ հուշարձանները՝ իրենց բոլոր ենթատիպերով:

РАННЕСРЕДНЕВЕКОВЫЕ ЗАЛЬНЫЕ ПАМЯТНИКИ ИСТОРИЧЕСКОГО СЮНИКА

АНУШ ТЕР-МИНАСЯН

Резюме

На территории исторического Сюника сохранился ряд раннесредневековых памятников, к числу которых относятся и шесть зальных церквей, находящихся в Сисианском и Горисском районах Арм.ССР. Четыре из этих памятников—зальные церкви в селах Спандарян, Агуди (Сисианский район) и две церкви в селе Тег (Горисский район)—представляют группу памятников без примыкающих к основному объему дополнительных помещений одного из двух подтипов зальных церквей—с вписанными в

¹³ Մ. Հասրաթյան, Հայաստանի արտաքուստ շենքով միանավ հուշարձաններ (ՀՄՄՀ ԳԱ «Լրագր», 1976, № 11, էջ 27),

¹⁴ Նույն տեղում:

¹⁵ Նույն տեղում, էջ 30:

прямоугольный контур внешних стен абсидами. Другой памятник—монастырь Танаат у села Аревис (Сисианский район)—имеет с южной стороны примыкающий к церкви придел и соответствующую ему галерею, от которой сохранились пять круглых баз и один многогранный ствол колонн. Он представляет другую группу памятников первого подтипа—с дополнительными помещениями. И, наконец, последний памятник—церковь св. Рипсимэ села Веришен (Горисский район)—имеет полукруглую снаружи алтарную абсиду и относится ко второму подтипу зальных церквей—с выступающими из плоскости восточной стены абсидами.

Все эти памятники, объединенные многими характерными для эпохи и типа признаками, отличаются своеобразными деталями как в планово-объемной композиции, так и декоративном убранстве и даже строительной технике. Они свидетельствуют о том, что архитектуре исторического Сюника в раннем средневековье не чужды были и зальные церкви во всех своих подтипах.